

Begegnung

Woss issn, kennsdmi nämmer?

Hasd woss?

Schau, die Baim droong heijer grouße, roude Äpfl.

Freidi driiber.

Warum läffsdn su langsam?

Mach dei Hemmerdgnäpfler aaf und lou die Lufd nei.

Warum schausdn su?

Ez mach fei ann Bungd.

Sing a Liedler, mach a Schbäßler, daß die Maadler lachng,
nou gähds scho widder.

Des indressierd di ned?

Här fei aaf.

Du maansd, wenss goa is, is eem goa.

Des sachdmer su.

Daischdi ned:

Ärschd douds goa nix.

Nou douds aweng woss.

Nou douds mähr.

Nou douds arch.

Nou douds a Schleechler
und nou

is aus.

Ez schdeingmer affs Radhaus naaf

und schbozzn roo

und lachng rechd dreggerd.

Maggsd miid?

Moggsd ned?

Ez horch fei.